

Caso asesinato na San Nicolas tin rabo

Recherche a detene otro persona mas

ORANJESTAD(AAN) -- Manera DIARIO a publica Diasabra, despues di un investigacion relampago, miembronan di Recherche a detene e homber Richard A.R.(21) kende a admiti cu el a asesina e hoben Spencer Teofilo

Querero.

Manera DIARIO a publica, e motibo di e asesinato no tabata conoci y e arma asesino no a ser haya.

Ayer for vocero policial, sub inspector Krozendijk, DIARIO a ricibi e informacion cu inves-

tigacion a muestra cu tabata tin un otro persona involvi den e asesinato kende supuestamente tambe a hinca e victima.

A keda constata cu e victima tabata tin tres hinca na su culpa y un di nan tabata mortal.

Ta asina cu Diasabra pa mas o

menos 4.45 or di atardi, miembronan di Recherche a detene e homber J.C.K. como sospechoso den e caso aki.

For vocero policial no por a haya mas informacion esta si a haya e arma asesino y kico


tabata e motibo cu Richard y posiblemente J.C.K. a asesina e hoben Querero.

Ta di spera cu awe lo haya un relato completo di e caso lamentable aki cu a tuma lugar Diabierna den horanan di main-
ja.

Aeropuerto Reina Beatrix a haya su Faro

ORANJESTAD (AAN) Recientemente e Aeropuerto Internacional Reina Beatrix di Aruba a haya y instala un faro (airport beacon) nobo, despues cu durante varios aña esaki no tabata funciona.

E faro aki cu anteriormente tabata instala riba Hooiberg, ta duna aviadorman un indicacion visual di unda e aeropuerto ta ubica y tambe e secuencia di luz ta identifica e tipo di aeropuerto pa e colornan di luz cu e ta



Un cantidad di cocaina a keda confisca Polis a sorprende tres hoben den baño di Centro di Bario Dakota

ORANJESTAD(AAN) -- Relaciona cu diferente casonan di robo cu a tuma lugar den Centro di Bario Dakota, un patruya di Polis a dicidi di haci un control di e edificio y a sorprende un trio kendenan supuestamente tabata haci uso di cocaina.

Tabata Diadomingo 1.30 or di madrugada, ora cu un patruya di Polis a bin descubri den e toilette di dicho edificio tres hoben.

Tabata trata aki di M.B.M.(22), R.F.W.(24) y B.J.L.(18) kendenan ta biba den Dakota.

E agentenan policial a haci un investigacion den e toilette y a haya un cuchara cu un substancia parecido na cocaina.

Tambe Polis a haya un straw conteniendo un substancia blanco parecido na cocaina. Tanto e supuesto droga, como e hobennan a ser entrega na personal di Departamento di Narcotica pa mas investigacion.


manda. Tambe e faro aki ta wordo usa na momento cu den dia e condicionnan meteorologico ta baha na mini-

mo y e pilotonan mta haya e indicacion cu un aterizaje ta requiri autorizacion previo.

E faro cu tabata instala riba Hooiberg, mester a wordo desactiva pa motibo cu vandalistanan na varios ocasion a destrui esaki y reparacion di e equipo tabata costa basta placa. Gobierno a haya ta mas prudente pa instala esaki na aeropuerto mes,

unda cu tambe e lo por haya e mantenimiento adecua y e posibilidad di destruccion ta minimo.

E foto di Django ta duna un bista di operacion di e faro nobo di nochi.



Recientemente hopi tabata ser comenta encuan to e barco Mina

Tur caminda a haya un maleta cu un suma considerable na Dollars. E caso aki a haya un rabo

asina largo te cu Ministro di Justicia a dicidi pa Fiscal van Wijland no atende casonan di droga mas. Despues cu un caso a ser entama, mr. van Wijland a gana su caso. Mina Tur a bandona

Aruba y awor por constata cu el a cambia di doño y nomber.

Awor e ta hiba e nomber Uribante y ta navega bao bandera Venezolano.

Despues di investigacion relampago Recherche a detene duo Dominicana cu a horta cartera den avion

ORANJESTAD(AAN) -- Despues cu e denuncia a ser haci, no a dura mucho cu miembronan di Recherche a tira man ariba esnan culpable pa e delito.

Tabata Diabierna mas o menos 11.30 or di mainta, ora cu e dama M.N.C.(23) a entrega keho pa robo di su cartera conteniendo 400 Dollar, 900 Florin, dos cheque di un negoshi y papelnan importante.

Segun M.N.C., e robo a tuma lugar dia 15 Maart entre 7.30 or y 8.30 or di anochi, abordo di e avion di Air Aruba durante e vuelo di Curaçao pa Aruba.

Relaciona cu e denuncia, miembronan di Recherche a haci un investigacion profundo y a detene dos Dominicana como sospechoso.

Ta trata aki di e muherman L.A.B.N. y Y.R.M., kendenan tabata hospeda na un hotel na Playa.

Durante interrogacion L.A.B.N. a basha abao y a bisa cu e hunto cu Y.R.M. a pasa man pa e cartera durante e vuelo di Curaçao pa Aruba. Ambos a keda encarcela pendiente mas investigacion. No ta conoci si e cartera cu contenido a ser haya.